

善本書室藏書志

善本書室藏書志卷三十一

錢塘丁丙松生甫輯

集部十

程端明公洛水集二十六卷

明嘉靖刊本

孔莊谷藏書

宋程泌撰泌字懷古休甯人以先世居洛州因自號洛水遺民
紹熙四年進士累官禮部尚書翰林學士知制誥歷端明殿學
士致仕宋史有傳十歲嘗詠冰云白日黃流漲渭城三更風緊
盡成冰莫言此物渾無用曾向滄茫渡漢兵識者奇之其撰岳
鄂王改謚制云爰易嘉稱用彰實美鄙姦夫之遺臭不崇朝而
肉寒偉烈士之英風將千秋而髮豎遺廟戢戢雖或遊神於古
鄂英靈凜凜豈能忘意於中原直學士院時甯宗崩丞相史彌
遠夜召舉家大驚疑有不測彌遠與泌同人禁中草矯詔一夕
立理宗許泌政府楊后緘金一囊以賜泌拜受不辭彌遠以是

銜之不與其政所著文集六十卷內制類稿十卷外制類稿二十卷曾孫教授景山嘗輯刻之元季兵燹遺本鮮存明嘉靖乙卯族裔預敦本約者曰霖曰霄以家藏六十卷本間有殘缺失次更與應元以善日升夢龍輯定按厯官歲月次其表疏餘文則各以類從附轉官制詔及狀傳諸作爲卷二十有六其內外制稿僅得文獻志所載七篇別附卷首在約凡二十有六人故卷因之分隸焉冠以公自序丙辰裔孫元昞序其後接四庫著錄者乃崇禎己巳裔孫雲遠重編三十卷本此刻本在前凡七十有二年有孔繼涵荏谷學古齋藏書印平江周氏珍藏碧樹蒼蒼茂苑東學古齋子孫永保諸印繼涵曲阜人乾隆辛卯進士官戶部主事

龍川先生文集三十卷

明龍川書院刊本 王連涇藏書

宋陳亮撰亮字同甫婺州永康人郡守周葵許其國士後葵執

政得朝士白事必指令揖亮因得交一時豪傑隆興初政與金人約和天下欣得蘇息亮持不可因上中興五論不報潛熙間又詣闕上書帝欲官之亮不欲渡江而歸日與邑之狂士飲三次遇事俱得免不死未幾光宗策進士亮以君道師道對時光宗不朝重華宮羣臣進諫皆不聽得亮策大喜以爲善處父子之間擢爲第一授簽書建康府判官廳公事未至官一夕卒年五十亮志存經濟而重許可人人見其肺肝與人言必本於君臣父子之義雖爲布衣薦士惟恐不及端平初謚文毅更與一子官集乃其子沈聚爲四十卷嘉泰甲子龍泉葉適爲序陳振孫謂適未遇時亮獨先識之後爲集序及跋皆含譏誚識者以爲議此龍川書院刊本凡三十卷前有紹興四年七月日建康軍節度判官誥文及像贊後附錄六篇已佚有天錡號人山太原叔子藏書記桐軒主人藏書印陳硯鄉氏壬子以後所得留

爲永寶諸印

龍川文集三十卷

明崇禎刊本

王謫士藏書

陳振孫書錄解題曰亮少入太學三上孝廟書召詣政事堂宰相無宏度迄報罷晚舉癸丑進士第一未祿而卒才甚高而學駁其與紫陽往返書所謂金銀銅鐵混爲一器者可見矣平生不能詩外集皆長短句極不工此乃崇禎癸酉錢塘鄒質士孝直重刊三十卷本自爲小引并列紹興四年誥文先生遺像與自贊又葉適序宋史本傳李氏傳李氏藏書名臣傳有王金鉅印泚廬藏書記兩印

龍洲道人詩集十五卷

明嘉靖刊本

汪魚亭藏書

西昌劉過改之著崑山縣知縣王朝用校正

過吉安府泰和人縣治前有龍洲最奇勝因自號龍洲道人尙氣節恆以功名自期長於談兵爲文章豪放奇特詞尤膾炙人

口陸游陳亮辛棄疾皆折節下交嘗疏請光宗過宮屢與時宰
陳恢復方略謂中原可一戰而取詞極剴切故人潘友文宰崑
山延致之過雅志欲航海因客其所遂娶婦而家焉既死無子
友文與主簿趙希楙買地馬鞍山東葬之并祠于東齋之側陳
安志其墓生平詩章散沒無從會粹弟澥收羅殘賸鉅本以傳
自爲一序末卷附友朋投遺諸作此乃明嘉靖初崑山令王朝
用重刻蓋重寓賢也有汪魚亭藏閱書印

龍洲道人詩集十二卷

舊鈔本

陳西畝藏書

西昌劉過改之

前有端平紀元弟劉澥序此本一卷五言古詩二卷歌行三卷
七言古詩四卷五言律詩五至七卷七言律詩八卷五言絕句
九卷十卷七言絕句賦一篇十一二卷詞每卷有篇目後無雜
文蓋別一本也有平江陳氏西畝草堂陳樽復初氏仲遵收藏

諸印

西山先生真文忠公文五十一卷 明正德間刊本 凌彌生藏書

後學莆陽黃鞏校正常熟張文麟同校

宋真德秀撰德秀字景元更字景希浦城人慶元五年進士以
博士改著作郎兼禮部郎官轉寶謨閣待制知潭州兼湖南安
撫使論濟王贈典落職史彌遠卒改福建安撫使召爲戶部尙
書進資政殿學士歿贈銀青光祿大夫宋史有傳德秀立朝不
滿十年奏疏數十萬言皆切當世要務直聲震朝野所著有西
山甲乙稿對越甲乙集經筵講義端平廟議翰林詞章四六獻
忠集江東救荒錄清源雜志星沙集志譜書 四庫著錄者乃
萬厯中福建巡撫錢塘金學曾彙刊五十五卷本此則正德庚
辰建甯太守張公瑞文繼訪得遺集於地官郎楊乾叔所因屬
黃鞏校刊而序焉卷凡五十有一梓先於金省吾巡撫者五十

年也有吳江凌氏藏書凌淦字麗生一字礪生兩印

重校鶴山先生大全文集一百九卷

明活字本 季滄葦藏書

錫山安國重刊

宋魏了翁撰了翁字華父邛州蒲江人慶元五年進士開禧元年召試時侂冑謀開邊釁了翁對策獨言不可遷校書郎親老乞外知嘉定府奉親還里侂冑誅史彌遠相力辭召命築室白鶴山下授徒差知瀘州丁母憂免喪知潼州府約已裕民被召言甚剴切時相不樂理宗立求退不得屬濟王黜削以死有司治葬弗虔了翁請厚倫紀李知孝朱端常相繼劾之降靖州居住紹定四年復職彌遠卒進華文閣待制遂上章論十弊分別利害上感動權禮部尙書兼直學士院首論彌遠十失又言和議不可信北軍不可保軍實財用不可恃又奏乞收還保全彌遠家御筆乞定趙汝愚配祀宗廟上嘉納之以端明殿學士督

視京湖江淮軍馬五辭不獲乃受命賜御書鶴山書院四大字
旋召爲僉書樞密院事時以疾辭不拜尋改福建安撫使卒後
贈太師謚文靖累贈秦國公著有鶴山集集有吳淵序吳潛後
序又有跋題開慶改元五月成都府路提點刑獄以下姓名闕
錢大昕所見黃丕烈所藏宋本亦同舊有姑蘇溫溪兩本皆止
百卷明嘉靖辛丑四川兵備副使高翀始以周禮折衷師友雅
言并增他文爲一百九卷題曰重校刻於邛州同時太子少保
李公以平江撫治故爲鶴山賜第尤切仰止嘗求所著九經要
義不可得得其文集若干卷知無錫縣隴西楊華請摹以行末
綴一跋而錫山安國卽以活字印傳今傳本亦罕矣此卽是也
有康熙六年六月朔季滄葦朱筆題記及御史之章季振宜印
滄葦印又吳城之印鵬亭印又武林汪泰素家藏圖籍汪襄楨
亭等印大約先藏於季繼之吳後又歸於汪也

野谷詩稿六卷

舊鈔本

晉江黃氏藏書

汴都趙汝鑑明翁

汝鑑爲太宗八世孫故追題汴都其實袁州人也嘉泰二年進士授館職分司鎮江管榷詩則五言獨佳此明鈔本有晉江黃氏父子藏書汪魚亭藏閱書兩印

宋杜清獻公集二十卷

鈔本

振綺堂藏書

宋中書右丞相兼樞密院使贈少傅謚清獻黃巖杜範著

範字成已黃巖人嘉定元年進士涪祐中官至右丞相是書首卷載理宗御筆戊辰修史傳宋史列傳危素朱右文獻書院兩記程公許清獻祠堂記黃中德重建祠堂記載良齊車若水寄慟詩祀典勘合帖文趙寬祭文卷一之四古今體詩卷五之十四奏劄卷十五書劄卷十六序記卷十七跋卷十八祝文祭文卷十九傳與史傳所載古律詩五卷雜文六卷奏稿十卷外制

三卷進故事五卷經筵講義三卷不合蓋已非舊本矣嘉靖丁未同邑符驗刊識遺事云黃巖水曰澄江舊名永甯東入海潮汐吞吐物色莫辨清獻公方娠母夫人將渡既入舟水輒清瑩澄澈江因以名先是朱子治水過翠屏云桑麻鬱鬱五十年後當有相者出至期而公果入相翠屏公世居也驗聞之故老云此爲小玲瓏山館傳鈔本以嘉靖本校正之有汪魚亭藏閱書一印

方是閒居士小稿二卷 影寫元本 汪魚亭藏書

右爲劉學箕習之撰學箕乃子輩孫珂子澹於仕進年未五十卽南山之下居焉扁曰方是閒堂若將終身爲文高爽閒雅得其家傳茲集爲宋游彬所編自爲一跋前列嘉定十年劉淮敘次趙蕃昌父序次甥趙必愿序後有游柳周世興丁炳文劉友直黃澹方立張牧陳以莊劉璫等題及其從元孫劉張跋趙必

愿序後隸書本記曰至正庚子仲冬屏山書院重槧此影寫本
有汪魚亭藏閱書一印

翠微南征錄十一卷

舊鈔本

宋華岳撰同里後學郎遂編次

岳字子西貴池人築室齊山之麓讀書於翠微亭因以爲號開
禧元年以武學生上書請誅韓侂冑蘇師旦下大理寺鞠治編
管建甯此集多在獄中所作凡十卷而冠以上甯宗皇帝諫北
伐書最久失傳黃虞稷從史館鈔得屬池人郎遂刻之當侂冑
既誅以後岳放還登嘉定武科第一故世稱之曰華狀元爲殿
前司官又謀去丞相史彌遠事覺下臨安獄杖死可稱陳東一
流人矣

翠微先生北征錄十二卷

舊鈔本

愛日精廬藏書

首有開禧三年待罪國學發解布衣臣華岳再上皇帝書云臣

向以狂妄叩關乞罷兵事冒犯天威重蒙聖慈不賜誅戮謫臣
建安迄今兩載伏自待罪以來日間邊鄙之音傷感不已乃知
臣前日之所以料陛下今日之事者審也因上平戎十策爲第
一卷其二卷曰治安藥石則題國學發解進士華岳進時在嘉
定元年三卷曰軍國大計四卷曰邊防要務五卷曰破敵長策
六卷曰將帥小數七八卷又曰治安藥石九卷曰探探之法十
卷曰戒飭將帥之道十一卷曰守邊待敵之策十二卷曰足兵
便民之策末有顧廣圻記云翠微先生華岳字子西傳在宋史
忠義十其南征錄北征錄皆不著於藝文志南征錄詩居十九
卽其別集此北征錄皆兵家言近廬氏召弓志補亦著於別集
從類列也惟云十一卷者依此是十二卷蓋俗本誤併其一卷
耳世鮮傳者得觀於讀未見書齋楮墨間古香噴溢三數百年
物也令人肅然起敬中仍愛玩不忍釋手云此爲張金吾傳鈔

本有祕冊及愛日精廬藏書二印

滄洲塵缶編十四卷

鈔本

張訥庵藏書

宋程公許撰

公許字季與一字希穎敘州宣化人嘉定四年進士歷官權刑部尚書寶章閣學士知隆興府宋史本傳稱其著塵缶文集而不詳卷數此館輯大典本據其清祐改元自序云謬當推擇職忝詞翰公暇閱所藏稿盈箱累篋因取羣仕以來次第編綴古律詩以一官爲一集賦騷箴頌銘贊書序記誌表啟各以類相從奏篇謚議內外進退故事則自爲一帙今奏議已不傳卽一官一集亦爲大典割裂無從復其原第矣又有騷軒王邁原序一篇按集中有人都年餘舍館五遷最後得楊和王園空屋寬潔爽塏二詩又移住郭婆井官廨二絕昔時宦蹟猶可髣髴耳有張紹仁印學安十萬卷樓藏書諸印

安晚堂詩集七卷

影宋本

宋鄭清之撰清之初名燮字文叔後改今名字德源鄞縣人其庶母將臨蓐三日甌鳴嫡母欲不舉嫂請於舅姑乳之曾驚瘖且短小嘉定四年進士爲太學博士兼教授甯宗崩丞相史彌遠入定策詔旨皆其手定理宗卽位遷宗正寺丞六年彌遠卒清之爲右丞相擢用正人時號小元祐時金雖亡而入洛之師大潰上疏乞罷不可進左丞相兼樞密使封申國公進齊國公追封魏郡王謚忠定安晚其自號也集本六十卷乃臨安府棚北睦親坊陳解元書籍鋪刊行宋刻久佚此影鈔本惟存第六卷至十二卷止雖不全亦罕覩也吳江金之俊遊洞庭西山記曰東明山有宋相鄭清之墓古松二株狀如虬龍

貧齋集十卷

鈔本

宋陳耆卿撰

耆卿字壽老號貫窗臨海人嘉定七年進士官至國子司業自作集序題嘉定六年寒食節尚在未第之前一年殆初集也趙希弁讀書附志載貫窗初集三十卷續集三十卷宋志馬攷已不登其目則散佚久矣四庫既著錄其赤城志復採之大典中得文一百三十一篇詩三十八首詞四闕釐爲十卷仍錄葉適序吳子良續集序置於前亦足見其梗概矣

友林乙稿一卷

明翻宋刊本

朱竹垞藏書

四明史彌甯

彌甯字安卿一字清叔史忠惠王浩弟源之子錢大昕嘗見史氏譜知彌甯以宗女澤仕至武功大夫太子右春坊閣門宣贊舍人除忠州團練使知泰州兼淮安提舉與趙希弁附志安卿嘉定中以國子舍生之望蒞春坊事帶閣門宣贊舍人及域序稱域墮影湘南乃得親炙春坊領閣公之幕下相合惟希弁云

藏書志卷三十一

八

友林詩稿二卷有黃景說曾豐序此祇乙稿無黃曾兩序尚有甲稿今失其傳黃堯圃百宋一廬藏有宋槧劫後客滬猶及見之此明時翻刻詩止百七十首如雲鬢著色四時畫石瀨有聲千古詩一毛不拔管城子冷眼相看石丈人置之涪翁集中幾無以辨有彝尊私印竹垞玉樹山房當湖小重山館胡筵江珍藏諸印

先天集十卷附錄二卷

明嘉靖刊本

星源山屋許月卿著裔孫亮校正熙類編

月卿字太空後字宋士人稱曰山屋先生婺源人年十六鄉試冠亞選清祐四年以別院第二人登第廷對專攻史書之時徐元杰力攻史史陰殺之乃率三學諸生伏闕訟冤理宗嘉其忠而外畏史則陽曰月卿狂士也不省除京教言謝相方叔子干政失職未幾謝亦免又數上書斥丁賈奸邪出佐江西漕宋亡

哀服深居三年不言卒年七十謝疊山嘗書其門曰要知今日
謝枋得便是當年許月卿可想見其人矣著有山屋先天集及
書經注百官箴著於四庫而先天集未見採進卽阮元氏亦
不進呈厲氏鶚宋史紀事列其名此嘉靖十三年南京禮部尙
書湛若水觀於其裔孫亮而序之附錄二卷乃行狀公牒郡邑
志鄉賢錄諸文

方壺存藥九卷

味書堂鈔本 馬易齋藏書

休甯柳塘汪莘叔耕著

嘉定間下詔求言莘遂三叩天闕上封事不報慈湖楊公簡見
其書曰眞愛君憂國之言也嘗與朱子書勸講經筵實居師保
之職財不待先生而富兵不待先生而強惟主上父子之間諸
公所不能濟者待先生而今日之事先先生建明稍緩切恐言
者已伺其後是非特不能爲天下學道者之地亦恐不能爲後

世學道者地矣朱子深重之用其言真公德秀在直院曰嘗欲其俯屈以訪諸賢其自重難進也如此徐貳卿誼帥江東欲以遺逸薦不果築室柳溪之上固以方渠自號方壺居士集爲萬歷時裔孫燦等輯梓前有張應元序後有汪循跋并列宋時程泌孫嶸王應麟史唐卿宇文十朋劉次皋舊序六首文公西山徐誼書簡四首此鈔本序跋皆不錄版心鐫味書堂三字有馬玉堂印笏齋二印

宋寶章閣直學士忠惠鐵庵方公文集四十五卷

明正德刊本 振綺堂藏書

廣西按察司按察使族孫良永校正廣東布政司右參政族孫良節編刊

宋方大琮撰大琮字德潤號壺山莆田人開禧元年省試第三人歷祕書郎除右正言疏論濟王之寃侍御史蔣峴劾其鼓扇異端與王邁劉克莊同罷後起福建路轉運判官改集英殿修

撰知廣州廣東經略加寶章閣待制改知隆興府命下卒謚忠
惠有奏議外制雜著若干卷煥章閣學士劉克莊序稱公之子
演孫方彙次爲別集云此本爲明正德七年兄素林俊序稱公
歿清祐丁未至是二百六十有七年公族孫雪筠良節因舊本
輯梓以傳又正德八年南海張詡序云參政君介卿與伯兄良
永壽卿同舉宏治進士壽卿今爲廣西按察使莆人歎以爲難
兄難弟云按 四庫著錄作三十七卷提要謂原集久佚此乃
族孫良永良節蒐輯已非全帙浙江採遺書錄亦三十七卷鮑
士恭鈔本張金吾瞿鏞所藏且稱三十六卷此刻乃四十五卷
較提要多八卷尤堪珍貴有汪魚亭藏閱書及怡亭主人兩印

壺山先生四六一卷

舊鈔本

文各分類曰謝除授曰謝薦舉曰樞密曰臺諫曰帥曰憲曰倉
曰宗使曰守曰倅曰臺屬曰教官曰宰曰寓公曰貢舉曰監當

曰右選曰學職不著撰人名氏 四庫提要以宋時號壺山者
凡四就啟中所云當爲方大琮所作

默齋遺稿二卷

小山堂鈔本

振綺堂藏書

建陽游九言字誠之

九言嘗之子也由古田尉知光化縣充荆鄂宣武參謀官端平
中特贈直龍圖閣謚文靖詩一卷文一卷不載於宋史藝文志
殆後人採輯之本中有義靈廟迎享送神曲記台州司戶滕廉
拒方臘之亂敘述極詳足與朱子文集相發明後無增輯猶原
本也烏絲印闕外有小山堂鈔本五字并汪魚亭藏閣書印

默齋遺稿二卷

鈔本

勞平甫藏書

建陽游九言字誠之

前錄提要後有鮑廷博從劉大彬茅山志曹學佺宋詩選及詩
家鼎鑪橋李詩繫補錄詩九首勞氏丹鉛精舍又從天台續集

補輯登巾山七律一首從方輿勝覽補禱雨辭并序從景定建康志補建康府學御書閣記明道書院記安撫僉廳壁記江東安撫司親兵寨記又從金陵新志補能仁寺佛殿記凡六篇按劉後莊詩話載游默齋序張晉彥詩云近世以來學江西詩不善其學往往音節聲牙意象迫切其議論太多失古詩吟咏性情之本意後村謂切中時人之病益可見先生之善於論詩并以見文之散落尙多也有學林堂勞權蟬盒三印

瓊瑯白玉蟾上清集八卷

元刊本

宋葛長庚撰長庚字白叟福之閩清人初母夢食一物如蟾蜍覺而分娩時大父有興董教瓊瑯是生於瓊蓋紹熙甲寅三月十五日也七歲能詩賦背誦九經父亡棄家游海上號海蟾子至雷州繼白氏後名玉蟾人有疾或草或木或土或炭隨所得予之餌者輒愈後伏闕上書言天下事沮不得達繼有言其左

道惑眾者叔監丞坐是得禍一日詣臨江之江月亭忽躍入江
流從游呼舟援溺長庚出水面搖手止之而沒逾年有人見於
隴蜀間未嘗死也有上清武夷玉隆三集往見明宏治間所刻
者前有端平時推官潘枋之序別有文集正續八卷爲臞仙序
此則其一種也前題建安余氏刊于靜庵殆麻沙坊所刻有吳
趨小圓印停雲得意二小印文氏屢用之又大石山人顧元慶
印二圖記

履齋遺集四卷

鈔本

宋吳潛撰

潛字毅夫甯國人嘉定十年進士第一官至參知政事右丞相
兼樞密使進左丞相許國公後謫化州團練使安置循州卒宋
史有傳原集久佚梅鼎祚收羅遺賸編爲此帙

臞軒先生四六一卷

舊鈔本

諫牧堂藏書

王邁

邁字實之號臞軒居士仙遊人贈司農少卿右駢體文一百五篇別本單行有謙牧堂藏書記謙牧堂書畫記朱白文兩印蓋傳在四庫館袁輯大典以前也謙牧堂者揆敘藏書處也字愷功滿洲人官至右都御史諡文端

宋宗伯徐清正公存稿六卷附錄一卷

明萬厯刊本

吳縉谷藏書

裔孫鑒校梓

宋徐鹿卿撰鹿卿字德夫豐城人博通經史以文學名嘉定十六年進士調南安軍教授改福建安撫司幹辦公事會城災應詔上封事指言惑嬖寵溺燕私用小人三事所言尤切眞德秀守泉辟宰南安邑以治最聞遷國子主簿入對陳六事上皆嘉納累擢太府少卿兼右司復奏請定國本正紀綱立規模上欣納改禮部侍郎授寶章閣待制知甯國府提舉鴻禧觀致仕進

文華閣待制卒有泉谷等集行世明萬厯甲寅進士巡按福建御史十二世孫鑒觀甫從家乘中搜其餘稿彙次六卷授梓進士提督福建學校副使十三世孫卽登又序之末附年譜誥詔史志一卷有西泠吳氏吳焯繡谷葉習三印

滄浪先生吟二卷

明嘉靖間刊本

宋樵川嚴羽儀卿著彭城清省堂校刻

羽一字丹邱邵武人自號滄浪逋客同族有嚴仁好古博學嚴參號三休居士時稱三嚴今惟羽集存焉其詩以妙悟爲上乘純任性靈掃除美刺明正德間淮陽胡仲器刻本以詩話置詩集之首此嘉靖辛卯閩中鄭綱重刻本序云滄浪嚴先生集閩有刻本姑蘇有刻本亦既傳布之矣余愛其參禪論詩超悟宗旨有唐宋諸賢所未道至其詩亦格律精深詞調清遠蓋真有透澈之悟而其詞足以達之乃復爲重刊云有集虛齋印

滄浪先生吟二卷

影鈔明正德刊本

王玲瓏閣藏書

宋樵川嚴羽儀卿著後學趙郡尹嗣忠校正

正德庚辰十月太僕少卿吳郡都穆序云是書在元嘗有刻本知崑山縣事尹子貞以騷壇之士多未之見重刻以傳俾余爲序卷一詩話卷二五言絕句七言絕句五言八句七言八句古詩楚詞操吟引謠歌行樂府詞又逸詩四言長篇有龔氏墨稼軒珍藏圖書玉玲瓏山閣紅菡湖莊蘅圃曾觀三印末有記云滄浪先生吟二卷余家舊藏有正德年間刻本此冊乃花山馬仲安所贈稼邨又有稼村祕笈龔氏甫田藝五氏積善之家必有餘慶爲農山澗曲曾藏香草齋中諸圖記

滄浪詩集四卷

明閩刊本

汪季青藏書

宋樵川嚴羽儀卿著明樵川何望海若士較吳伯麟兆聖季又白元編

第一卷騷操吟引謠歌行第二卷樂府四言古詩五言古詩第三卷五言律詩五言排律五言絕句第四卷七言律詩七言絕句前有三山徐煥興公序曰夷攷先生高隱樵郡之言溪羣從九人俱能詩時稱九嚴其地曰嚴坊滄浪之水出焉因自號滄浪逋客九嚴詩俱軼獨先生遺稿僅存什一於千百同時天台石屏戴式之客遊樵川與交莫逆郡太史王子文與先生論詩不合式之作十絕解之集中有平冠四言上王潛齋使君按宋史理宗端平元年權邵武軍王埜平建冠有功與先生詩意相符潛齋卽子文集中有庚寅紀亂之作按宋史紹定三年建昌蠻獠竊發經擾郡縣甯化魯氏寡婦禦寇有功亦與先生詩意相符而詩證中有見寶慶間刻本杜詩則知先生乃理宗時人與同邑上官偉長李友山賴成之相倡和也斯集久漚至元庚寅邑人黃公紹始敘而傳正德間淮陽憲伯胡公岳吳郡吏部

都公穆先後授梓萬歷中鄧學憲汝高又梓之茲何若士復校訂精詳友人吳李與余商榷之耳此本有平陽季子收藏圖書摘藻堂藏書二印

冷然齋詩集八卷 星鳳閣鈔本

山陰蘇洞撰

洞字召叟山陰人右僕射頌之四世孫舉詩於陸劍南嘗入建康留守幕府金陵雜興二百首卽作於此時爲周文璞所心折陳振孫書錄解題載其集二十卷久已亡佚今館臣輯自永樂大典尙得八卷所與往來倡和者如辛棄疾劉改之王稱潘檉趙師秀周文璞姜夔葛天民固皆一時勝流也此爲星鳳閣正本版匡之外有梅泉居士校刊字鈴古歡書屋趙輯甯印典承素門先生諸印

可齋雜稿三十四卷續稿八卷續稿後十二卷 影宋本

單懷李曾伯長孺

曾伯單懷人後居嘉興歷官通判濠州遷大府卿淮東制置使疏奏三事答天心重地勢協人謀又陳守邊之宜五事進徽猷閣學士開慶元年進觀文殿學士以沈炎等論罷景定五年起知慶元府兼沿海制置使咸淳元年陳宗禮論緩職德祐元年追復原官曾伯初與賈似道俱爲專閫邊境之事知無不言似道卒嫉之使不覓其用文則明於理勢多可見諸施行詩則暢厥氣機未嘗拘於格律淳祐壬子自序雜稿於荊州續稿則寶祐二年翰林學士尤焞爲序湖北倉使劉黻助刊而又自爲小序續稿後則前後並無序跋也咸淳庚午公子杓又彙三稿刻之荊州并爲一跋每卷後俱有嗣男杓編次續稿自序後有曾伯聯文本印長孺鼎式木印可齋長方木印河內開國鄒亭李氏三方木印皆存宋槧之舊耳

后村居士集五十卷

依宋鈔本

宋劉克莊撰克莊字潛夫吏部侍郎彌正之子以嘉定二年郊恩補將仕郎知建陽縣言官李知孝梁成大箋其落梅詩罪以謗訕鄭清之力爲辨釋得通判吉州端平初除編修官兼權右侍郎坐言濟王事爲御史蔣峴劾罷清祐六年令赴行在奏事面對三劄合上意特賜進士出身除祕書少監兼中書舍人奏史嵩之有無父之罪四無君之罪七爲御史章瑒劾罷尋復舊職景定元年賈似道還朝愿權工部尙書五年除煥章閣學士致仕卒年八十三諡文定克莊學問充積尤長吏事而爲文名所勝真德秀嘗以學貫古今文逮騷雅薦之所著有後村居士集集後有迪功郎新差昭州司法參軍林秀發編一條淳祐九年竹溪林希逸爲序云詩雖會眾作而自爲一宗文不主一家而兼備眾體模寫之筆工妙援据之論精詳其推重者如此曩

在蘇垣見宋刻本購未就此本即影寫者也范氏天一閣目尙有後村大全集一百九十六卷

李忠簡公文溪存稿五卷 明嘉靖刊本 錢遵王吳校菴藏書

門人李春叟編

宋李昂英撰昂英字俊明番禺人寶慶三年廷對第三官至龍圖閣待制吏部侍郎謚忠簡文溪乃退居之地也集爲元至元間門人李春叟所輯凡二十卷卷一之五爲記爲序爲題跋卷六之十二奏議及書狀判祭文墓誌雜著十三至十九詩詞二十家書此僅前五卷也前有小像及自讚乃摹公手書并印記付梓前有至元三十一年李春叟原序成化庚寅同郡陳獻章嘉靖辛卯蒲陽鄭洛重刊兩序有虞山錢曾遵王藏書郎氏藏書吳翌鳳校庵氏珍藏校庵漫士諸印

玉楮詩稿八卷 明刊本 朱竹垞藏書

相臺岳珂肅之著後學門人周念祖合儒駱雲程天游暨訂

珂字肅之號倦翁一號亦齋忠武王之孫敷文閣待制霖之子
官管內勸農使知嘉興府權戶部侍郎淮東總領兼制置使通
城縣開國男封鄴侯所著有金陀粹編及續編額天辨証錄程
史愧郄錄注解小戴記前有嘉熙庚子自序云予自戊戌西遡
沔鄂庚子東游丹塗歲凡三周裒集詩藁得三百五十有八昔
有刻玉爲楮三年而成一葉雜於楮葉中而莫之辨工蓋如是
其巧此三年而爲篇幾四百其巧與拙將誰實辨之提要稱珂
於紹定癸巳元夕京口觀燈因作詩及祐陵事韓正倫疑其借
端諷已遂構怨陷以他罪會事白得釋至戊戌復召用故首篇
有五年坐奇謗之語他詩亦屢及之詩之止錄此三年者意固
有在也偶閱全謝山鮎埼亭外集云玉楮集則爲嘉定一名家
然予攷張端義奏疏劾史彌遠城狐社鼠布滿中外中有岳珂

謂借天子之法令吮百姓之膏血云云宋史於鄂王附傳甚略而徐鹿卿傳珂守當塗制置茶鹽自詭興利橫斂百出商旅不行國計反絀於初命鹿卿覈之吏爭竄匿躬自鉤稽親得其實珂坐是罷又杜杲傳珂爲淮東總領杲以監崇明鉤事隸之議不合求去珂出文書一卷曰舉狀也杲曰比而得禽獸雖若邱陵弗爲珂怒竟以負薦錢劾之朝廷察其無虧三劾皆寢又袁甫傳珂以知兵財召甫奏珂總餉二十年焚林竭澤珂竟從外補宋史附傳之寥寥數語殆亦有所諱而然謝山殆春秋責備賢者之意歟王氏居易錄稱是集流傳絕少况有錫鬯彝尊私印及沈氏春星草堂藏書印乾隆三十八年十一月浙江巡撫三寶送到鮑士恭家藏玉楮詩稿一部計書一本木記又有翰林院印其實貴更加一等矣

玉楮詩稿八卷

吳石倉鈔校本

汪魚亭藏書

相臺岳珂肅之著

是集前有嘉熙丙子自序後又自跋云日書數紙通計一百零七版此吾鄉吳石倉老人手寫本并輯附錄一卷於後有吳允嘉印石倉手校來氏藏書記三印又有汪魚亭藏閣書印

棠湖詩藁一卷 舊鈔本

相臺岳珂肅之

前有自序云慨想東都盛際文物典章之偉觀聖君賢臣之懿範瞭然在目輒用王建花蕊體成百首以示黍離宗周之未忘云云卷末有棚北大街陳宅書籍鋪印行小字二行宋刻每半葉十行行十八字舊藏汲古閣毛氏留影鈔以傳今在吳門姚彥士方伯家世疑屬樊榭作北宋雜事詩好事者偽託岳氏以傳殆先未見宋本耳此本雖非影鈔而紙舊字古殆百年前物也

重編古筠洪城幸清節公松垣文集十一卷

小山堂鈔本

汪魚亭

宋賜進士第通議大夫松垣幸元龍震父手著

元龍字震父高安人嘗舉進士任朝奉郎鄂州通判以論史彌遠爲陳賅劾罷歸是集凡疏書記事序行狀墓誌銘及詩十首前有像贊及傳已佚卷十一爲所斷岳武穆万俟卨子孫爭田案此本爲元龍後裔鳴鶴所編時在萬曆丙辰大約搜自譜牒殘稿而成也有汪魚亭藏閱書印

秋崖先生小彙八十三卷

鈔明嘉靖刊本

宋寶王校藏

方岳巨山

姚鼐潛抱軒書錄載岳字巨川號秋崖歙人宋紹定五年進士
淳祐中爲趙葵參議官移知南康軍以杖荆湖州卒忤荆帥賈似道後知袁州又忤丁大全被劾罷事詳洪焱祖所爲秋崖先生傳其集有秋崖新稿三十一卷係影鈔宋寶祐五年所刻又

秋崖小稿文四十五卷詩三十八卷係明嘉靖中所鈔以兩本
較之嘉靖本所載固多於寶祐本然亦有寶祐本所有而嘉靖
本所無者詩文各數十首今統編入歸爲一集定爲八十三卷
仍前載洪焱祖所爲傳岳在淮南與趙端明書舉葵馭軍之失
辭甚切直可謂幕僚之忠告者及與廟堂書并代葵作書欲解
葵兄幕府乃欲爲范游說於是乎有曲辭矣此卽影寫明嘉靖
六年刻本有洪焱祖撰傳及李中序稱秋崖小稿八十三卷一
刻於開化再刻於建陽迨先生之後咸淳進士曰黃孫寶祐進
士曰石者又翻刻於竹溪書院元季版逸於兵洪武求遺書有
司窮搜以進此稿遂泯宏治中程學士篁墩自中祕錄出十二
卷手授先生九世孫舜舉嗣因之知蘄州得五卷舜明訓導江
右得十卷舜中教授江浙得十卷舜文家藏三十一卷舜玉客
吳下得十五卷十世孫廷孚廷畏廷光廷實廷獻取前後所得

參訂互證缺補斷續而成是編有族裔孫方謙序有宋賓王印
蔚如氏校二印校極精審賓王各定國又號蔚如婁縣人性嗜
奇書得古槧舊鈔必手自校勘

秋崖先生小稿三十八卷

明活字印本

石琢堂藏書

宋方岳巨山著

此稿有詩無文前有德祐二年廬陵劉辰翁會孟手識次秋崖
小稿總目爲五言絕句五十九首六言絕句七首七言絕句四
百七十四首五言律詩一百十四首七言律詩四百二十七首
五言古體一百十三首七言古體九十二首詩餘七十五首有
琢堂校藏小印書面標題亦殿撰手筆琢堂名韞玉吳縣人乾
隆庚戌第一人及第官至四川布政使

秋崖先生小藁三十四卷

舊鈔本

邵位西藏書

方岳巨山

邵位西懿辰手記曰按惜抱在四庫館原編秋崖集八十三卷而今館本定爲四十卷未知異同何如秋崖爲人固亦賢者爲葵白范屈於主人之命耳惜抱之論亦近苛也此本舊人所鈔止詩三十四卷其後四卷當詩餘耶各體詩已完全無缺本四卷不足爲病大抵秋崖以蕭散爲文必不能高獨其詩有逸氣清韻爲可寶玩耳而鈔本字畫古雅讀者圈點亦當不易得也遇心事煩惑精神疲茶時一展閱之如嚼冰雪故已將贈伯韓觀察同年復索還置之案頭而爲之記如此有邵懿辰印守實藍色二印蓋是時位西居憂也當咸豐辛酉秋間位西服未除居佑聖觀巷鹽局朱伯韓觀察琦方治軍饒於杭州寇雖日警仍不廢文字跋稱心事煩惑者指寇警耳仲冬廿有八日杭州再陷位西伯韓皆殉難此書得全於兵火中又爲兩公精神所寄尤可寶貴也

梅屋詩彙融春小綴三稿四稿四卷

舊鈔本

壺山許棐忱甫

棐海鹽人嘉熙中隱居秦溪種梅數十樹構屋讀書自號梅屋室中於三桁下分四榻中垂一簾對懸白香山蘇東坡二像事之積書最富肆有新刊知無不市人有奇編見無不錄詩集四卷融春小綴與三稿棐皆自爲小序詩則長於近體頗多清新之調末綴融春雜著數篇百川學海刊其獻醜集一種今併附之

葛無懷小集一卷

影宋鈔本

山陰葛天民

天民始爲僧名義銛號朴翁後返初服居西湖上見癸辛雜志天民句云吾與林和靖非翁不卜鄰而周文璞過其新居有丹砂舊井旁句似其居亦近葛井詩一卷爲陳芸居所刊此則影

宋本也

林同孝詩一卷

舊鈔書棚本

同字子真福清人寶章開瑑之孫寒齋高士公遇之嗣也至元十三年元兵至閩執之大罵不屈而死其題壁詩云生爲忠義臣死爲忠義鬼草間足可活吾不忍爲爾諸君何爲者自古皆有死云云同妹亦死難清祐庚戌劉克莊序曰同撫載籍以來孝於父母者事爲一詩詩具一意各二韻二十字積至三百首起邃古迄叔季兼取明天理未嘗混也自賢聖至夷狄異類並錄見天性未嘗異也事陳而意新辭約而義溥賢於煙雲月露之作遠矣劉序後有臨安府棚北大街睦親坊南陳解元宅書籍鋪刊行一條末葉記宋版原本在錢塘吳石倉家此從趙谷林處傳鈔海內得傳鈔本者惟揚州馬嶢谷天津查心穀而已乃松石先生題詞也

林同孝詩一卷

影宋鈔本

汪魚亭藏書

此集皆摭古今孝事每一事爲五言絕句一首亦間有兩事合詠一首者凡聖人之孝十首賢者之孝二百四十首仙佛之孝十首異域之孝十首物類之孝十首題後各注其事消祐庚戌白露節前史官劉克莊序有臨安府棚北大街睦親坊南陳解元宅書籍鋪刊行一條同號空齋與弟合並有隱操元兵至福州同抗節死移孝作忠洵有德之言也有汪魚亭藏閱書一印芸隱勸游稿一卷橫舟稿一卷

影寫宋本

浮玉施樞知言

樞字知言芸隱其號也丹徒人嘗爲浙東轉運司幕屬又爲越州府僚嘉熙丙申自序有云余下壬辰第始學詩間吟殊未與意合甲午往來錦谿或自家山趨京城萍汎不羈每多感賦及乙未秋入吳攝庾臺幕丙申秋復過越訪東剛先生暇日搜故

箇得五七言可意者僅百篇題曰勸游稿而橫舟稿亦有嘉熙
庚子元日自序云丙申冬越浙沿舟官戍小廟泊崇新門外傍
河依欄髮髯家居刻刻之餘時作一二解殊不知丁酉鬱攸場
地焦土轉徙不常終結御前諸營投身竹木瓦礫中奔走不暇
經年僅得十餘篇戊戌秋捧檄東越盤石障江己亥春旋幕蘄
築江隄清事盡廢歲晚壩岸成秋適滿哀集舊作共百二十題
丙寒家距崇新門船官小解止半里門前流水傍岸柳枝不改
當時景色滬上見有汲古閣影宋寫本精絕可愛善價購歸插
八千卷樓架上香芸拂紙隨時續誦亦可自稱芸隱矣

芸隱橫舟稿一卷倦游稿一卷

精鈔本

浮玉施樞知言

橫舟稿有嘉熙庚子元日自序勸游稿又有自序以歲月攷之
倦游成於橫舟之前大約橫舟篇什較多故列於首乃以倦游

附之耳

蒙川先生遺稿四卷 明鈔本 王晚間藏書

弟山中劉應奎成伯校正後學阮存存畊編次

宋劉黻撰黻字聲伯號質翁允懷之子樂清人淳祐初入太學
伏闕上書攻丁大全安置南安軍丁敗召還又忤賈似道廷試
被抑後由昭慶軍節度掌書記擢至吏部尙書遭母解氏喪遂
不復起會宋亡二王由桐鄉入海以兵逆黻共政及羅浮卒謚
忠肅弟應奎搜其遺稿僅成四卷既自爲序復以鄭滁孫所撰
朝陽閣記冠於前記述其讀書之始立身之大從政之由死節
之止彌詳也書刊於元大德間歲久版敝未有記云此書爲毛
子善借去不覺十換星霜今忽予歸相對故人喜何如哉有馮
本氏藏一印又有穉萬堂謙牧堂書畫記朱文二印謙牧堂藏
書記白文印後又云嘉慶辛未三月端履試禮部買之琉璃廠

東門書肆歸以奉予末有題字辨其圖記是馮蒼舒故物也中
秋後二日晚閱居士記

蒙川先生遺藁十卷

明影元本

怡府藏書

弟山中劉應奎成伯校正後學院存存畧編次

應奎序云先伯氏惟孝惟忠雖流離顛沛中未嘗忘於言凡所
著述與諫坡奏牘微垣制稿經帷納獻若干卷皆散落不復見
廬室既燬幸讀書之朝陽閣歸然於蒼松翠柏間求記於息齋
鄭公并念先生若詩若文或得之斷簡殘篇或得之朋友記識
哀聚姑鋟諸梓而以朝陽閣記入卷之首鄭滌孫撰閣記云樂
清劉公黻字升伯讀書僧坊高視物表雁蕩有峰曰朝陽清潤
而特立左麓有泉汨汨之海弟子尊事公曰蒙川先生試入太
學授學蘇湖間丁大全方爲臺屬移牒迫逐宰相去國將奪其
位同舍生以公嘗言大全暑公爲首伏闕言失體貌大臣禮書

上追送南安軍安置大全貶公方還壬戌廷策不爲賈似道所網羅失高選後由昭慶軍節度使掌書記除學官試館職遷諫省丁外艱服闋除集英殿修撰開府海關爲賢牧伯召還由刑部侍郎中書舍人吏部尙書丁內艱起復端明殿學士未幾二王航海公追從入廣及羅浮而薨公配林夫人舉室蹈海一家就義而海上瓦解矣右從大德本傳鈔分卷爲十末葉亦有斷爛有明善堂覽書畫印記安樂堂藏書記樵李曹溶諸印

巽齋先生四六一卷 舊鈔本

舊鈔本

危昭德

昭德字子恭昭武人寶祐元年進士歷官侍御史權工部侍郎嘗爲崇政殿說書以易春秋大學衍義進講反復規正著有春山集已不傳此本專錄其駢體四十九首

龍圖寺丞復齋陳先生文集二十三卷附錄一卷

舊鈔本

是書。四庫未著錄阮氏未進呈各家書目亦未見惟福建通志經籍志載其日前有消祐戊申友人清谿鄭性之序云公之子圭哀公詩文屬序義不得辭公之立朝也位雖居卑而應詔論事言人所不敢其歸閒也年雖未及而引疾告老爲人所未能然其爲辭忠誠惻怛和緩明白而無一毫矯亢激迫之意至於詩詠雅正和平既足以寫性情之真又有以窺造化之妙此皆有德之言也卷一二歌賦雜詠古風卷三四五言卷四五七言卷六奏劄卷七雜說策問卷八銘贊箴戒卷九記卷十序題跋卷十一之十六書劄卷十七送序贈序送行詩壽詩挽詩卷十八祭文卷十九祝文青詞上梁文卷二十勸諭文卷二十一二十二墓誌銘卷二十三行狀後爲附錄拾遺按復齋名密字師復莆田人丞相俊卿之子少嘗及朱子之門長從黃幹游以父任歷泉州南安鹽稅主管南外西外睦宗院知安溪縣嘉定

七年入監進奏院擢大府丞知南康軍改劍州廣東提刑直祕閣乞祠宋史有傳

謝疊山先生文集十六卷

明萬厯刊本

徐虹亭藏書

同郡後學松門鄭以偉重訂建武後學仰泉陶懋觀重校

朱謝枋得撰枋得字君直弋陽人寶祐進士官江東提刑江西招諭使知信州與元師戰敗妻子皆被執死於獄乃變姓名賣卜遜隱元福建行省參政魏天祐薦不就強之北問太后櫝所及瀛國公所在再拜慟哭遷憫忠寺不食死子定之護骸骨歸葬信州疊山者興國山名公在謫所因以自號詩文集本六十四卷兵燹散亡明景泰時黃溥採輯類編十六卷謀諸訓導楊搆州判易緯繡梓以傳劉儁爲序及自序以公與留夢炎卻聘書列於前嘉靖中揭陽林光祖知廣信府時又刻之此萬厯中陽羨吳侍御刻於上饒前有江西按察副使鄧郡方萬山序後

有上饒縣吏濡須朱萬春跋其中忠齋之留誤劉蔡氏宗譜序
末署至元十五年廣信後學謝某某謹序又第四卷列傳行實
神道碑祭文之後又爲啟劄表疏編次無紋且有依託之文校
訂似未盡善有吳中柱函風館藏書印竹涼軒藏書中桂兩印
更有徐虹亭鈇印并跋云壬申七月亡友雪灘叟令嗣顧子德
公名世和來執贄於余所見贈也中有吳氏含風館印乃余妻
之祖中柱公圖記也中柱爲兩宮保之後藏書最富今館且鞠
爲茂草矣

本堂陳先生文集九十四卷

舊鈔本

曾孫陳煦編次

宋陳著撰著字謙之一字子微鄞縣人生宋嘉定七年五齡能
詩六歲能文年四十一登賢書明年第文天祥榜知嵊縣政教
大行通判揚州又知台州所至有聲擢著作郎時賈似道欲買

公田以瘠民上疏乞罷買公田斥詆似道似道大怒出知嘉興
度宗十年爲太學博士似道以母喪去官詔起復之乃率太學
諸生上書切諫不聽國事日非尋以疾歸與慈溪黃東發兄弟
同里戴表元單庚金樊伯攜談國事輒欷歔流涕宋亡杜門不
出以甲子紀年隱廬不臣之義卒年八十有四文集九十八卷
至大戊申仲夏丙辰榜下士荆溪蔣巖爲序 四庫著錄者亦
鈔本此傳錄康熙間里人樊景瑞寫本記云鈔錄一年始成也
近奉化陳氏雕版曾借此校正

雪坡姚舍人文集五十卷 影宋本

從子國學生龍起編次

宋姚勉撰勉字述之一字成一高安人寶祐八年廷試第一授
平江節度判官服闋爲正字除校書郎兼太子舍人宋史無傳
集亦不載於宋藝文志是本爲其從子龍起所編提行格式猶

出宋槧之遺凡奏議箋策七卷講義二卷賦一卷詩十一卷雜文二十九卷前有文及翁方逢辰兩序公所上封事皆忠愛之言輪對陳朝廷綱領在用人聽言且舉守帥數易之弊上過東宮特講否卦指斥權奸無所顧避忤賈似道免歸卒年四十有六初公白側出正母不肯舉棄野雪中越一日過者尙聞兒啼父乃怪而育之公自號雪坡不忘本也

新注朱淑真斷腸詩集九卷後集七卷

精鈔本

羅鏡泉藏書

錢塘鄭元佐注

謹案 四庫存目斷腸集二卷宋朱淑真撰其詩淺弱不脫閨閣之習世以淪落之故得傳於後前有田藝蘅記畧一篇似出依託此乃天一閣傳鈔之本前有宋通判平江軍事魏仲恭撰序云比往武林見旅邸中往往傳誦朱淑真詞淑真蚤歲不幸父母失審不能擇伉儷乃嫁爲市井民妻一生抑鬱不得志故

詩中多有憂愁怨恨之語每臨風對月觸目傷懷皆寓於詩悵悵而終父母并其詩一火焚之今所傳者百不一存時在清熙壬寅二月望日鄭元佐又加注釋羅鏡泉以智鈔自天一閣中并爲校正有江東羅氏所藏一印

右別集類九

善本書室藏書志卷三十二

錢塘丁丙松生甫輯

集部十一

文山先生全集二十八卷 明嘉靖刊本

宋文天祥撰天祥字宗瑞又字履善廬陵人年二十舉進士第一開慶初元圍鄂江宦官董宋臣說上遷都上書乞斬宋臣賈似道稱病要君有詔不允時當制誥諷似道似道不樂使張志立劾罷之德祐初江上報急詔天下勤王公捧詔涕泣既而宋降公與伯顏抗論於皋亭山被拘夜逸入真州又汎海至温州聞益王未立上表勸進與陳宜中議不合出江西入汀州移漳州益王昀衛王立乞入朝不許加少保信國公軍中疫起公惟一子與其母皆死進趨潮陽爲張宏範兵所執遣送至京沒於柴市年四十七此全集一二卷詩三至十七卷文十八十九卷

藏書志卷三十二

一

指南錄二十二卷 指南後錄二十二卷 吟嘯集二十三卷
十四卷 集杜詩二十五卷 紀年錄二十六至二十八卷 附錄傳
序祭文記序詩篇明嘉靖時豐城鄔懋卿校畿內授河間府守
董策傳教諭嚴順校正知縣甯龍刻之屬翰林學士敖銳序於
前懋卿跋於後以公集而爲嚴嵩義子所刊可爲一薰一蕕矣
文山先生集杜詩二卷 明成化刊本

宋文天祥撰并自序壬午正月旦日又序凡集杜句二百首皆
在燕獄所作每首有公小序其後鄧中齋撰督府忠義傳劉中
齋撰公傳皆有資於此一名文山詩史末有蓮券式木格刊公
北歸宿溫州江心寺詩一首並附楊士奇題辭成化間黃巖謝
鐸撰永嘉文信公新祠碑安成劉遜撰祠堂記永嘉嚴祀文後
爲成化甲辰四明楊守陞跋云安成劉君時讓以進士出宰永
嘉既新作文信公祠又翻刻公之集杜詩以傳

汶陽端平詩集四卷

傳影宋本

汶陽周弼伯弼著荷澤李龔和父選

按文璞字晉仙陽穀人有方泉集四卷提要不詳其仕履子弼字伯弼嘗手刊端平集十二卷行於世寶祐丁巳荷澤李龔和父序稱伯弼十七八時卽博聞強記傳乃翁晉仙已好吟詠而四十年間宦游吳楚江漢足跡所到聲騰名振但卷帙稍多因摘其坦然者兼集外所得者近二百首目爲端平詩集續芸陳君書塾入梓庶同好者便於看誦云序後有臨安府棚北大街陳解元書籍鋪印一條猶不失宋時舊式

石堂先生遺集二十二卷

明萬厯重刊本

宋甯德陳普尙德

普字尙德號懼齋閩之石塘人淳祐甲辰生有鸛鵒百數繞屋之祥師事會稽恂齋韓氏韓學出慶源輔氏輔氏朱子高弟也

淵源有自屹然正宗宋鼎既移隱居不仕元三使辟爲本省教授不起劉純父聘主雲莊書院熊勿軒留講鼇峰造就益眾延祐乙卯卒於家年七十二所著有四書句解學庸指要纂圖周易解尙書補徵四書六經講義詠史詩明初閔文振編而梓之未幾厄於火萬厯間邑人薛孔恂得舊本爲之攷覈注釋子夢蘭至鬻產重刊以成先志阮鑽崔世俊爲前後序天啓中阮光甯選刊四卷四庫入之存目提要曰晉有全集已著錄而總目未列其書殆偶然遺脫也此本惟失阮崔兩序

蕭冰崖詩集三卷

舊鈔本

阮元四庫未收書提要云宋蕭立之撰立之甯都人字斯立一名立等號水崖登方逢辰榜進士仕至通守歸隱後日放於詩大旨宗江西派宋詩紀事嘗採其詩此三卷僅五七言古體五七律及七絕乃其九世孫所訪求而得者其原跋稱向有詩

二十六卷然則立之詩佚者多矣此雖僅存什一但羅倫序稱其納交吳氏草廬見知謝氏疊山是詩以人重一鱗片羽亦可珍貴云按立之次子贊注李太白詩有庸言集今亦未見傳本劉須谿先生記鈔八卷

明刊本

宋劉辰翁撰辰翁字會孟廬陵人太學生景定壬戌廷試入丙第以親老請濂溪書院山長以薦除太學博士因辭宋亡不仕集本一百卷自明以來僅存記七十篇十八世孫蔡重刻之前後無序跋行覽字大頗似宋時舊模有讀騷齋瓜瓞外史歸安章綬銜字紫伯收藏諸印

須溪集十卷

舊鈔本

宋劉辰翁撰

須溪會孟所居地名也 四庫館既以記鈔入存目須溪四景詩別爲著錄復檢永樂大典所錄記序雜著詩餘釐爲十卷亦

僅百中之一耳

須溪四景詩集四卷

精鈔本

宋劉辰翁撰春景六十三題詩七十二首夏景三十二題詩三十五首秋景四十題詩四十四首冬景十六題詩如題數皆備程試而作末東柱堂賦爲劉端伯教子讀書所作亦爲科舉之學殆如王充私書義矜式耳

葦航漫遊稿四卷

舊鈔本

宋胡仲弓撰

仲弓字希聖清源人其詩已爲陳起刊入江湖後集館臣核之永樂大典所載多有出於起選之外者因編爲四卷並攷仲弓嘗登進士第字會稽後乃放浪江湖以老

采芝集一卷續集一卷

醉經樓鈔本

芳庭斯植建中

斯植字建中號芳庭住南嶽寺續集有寶祐丙辰望日自識云
詩志也樂於情性而已非所以有關於風教者近於覽卷之服
心志他用得之數篇目曰續稿然不可謂之無爲也詩已刊入
江湖集中此乃鈔本

竹溪席齋十一稿續集三十卷

舊鈔本

三山林希逸著門人石塘林式之編

福清林希逸字肅翁舉進士初爲平海軍節度推官以清白稱
淳祐中遷祕書省正字因上封事乞信任給諫又乞早決大計
以慰人望上皆納之官至中書舍人所著有老莊列子口義攷
工記解今尙有傳本惟竹溪稿前集六十卷久不得見今惟續
集存林子敬爲之編林同爲之序有楚漢陽弼岳藏書印鳴野

山房印

竹谿席齋十一稿續集三十卷

舊鈔本

三山林希逸著門人石塘林式之編

竹谿十一稿續集前有咸淳庚午石塘林同序稱同之再從兄子敬通守三陽以書言同曰願以庸齋集爲先子其爲我請續集於先生而行之時上方擢庸齋長仙蓬侍緝熙再入禁林掌詞翰趨行之詔聯翩而下行有日矣而續集宜視前繼自今展殿閣之吟陪瓊廈之咨雲霧裁翦日月獻納者當揭爲又續集以遂子敬兄之志云案前集六十卷載於宋藝文志不傳已久今傳者惟此本耳

蘭皋集二卷

明鈔本

怡府藏書

紫陽吳錫疇元倫著

按徽州府志吳錫疇字元倫休甯人屋之子研精理學師事程若庸咸淳中南康守葉問聘爲白鹿院長不赴所居藝蘭以自况著有蘭皋集元倫爲基仲之子乃文肅公之從孫而宋人諸

序中皆稱爲竹洲之孫待攷集之前後有陸夢發呂平方岳程
鳴鳳方回宇文十朋羅椅王應麟序跋有太原王氏收藏書畫
圖記六觀堂珍玩藏水鏡堂珍藏記有明文靖世家圖書天官
攷功大夫印明善堂覽書畫印記安樂堂藏書記諸印

蘭皋集二卷

小山堂鈔本

汪魚亭藏書

紫陽吳錫疇元倫著

謹按 四庫著錄是書三卷此本作二卷按之諸賢舊傳佳句
皆在焉或卷有分併與紙格有小山堂鈔本五字有汪魚亭藏
閱書一印

雲泉詩一卷

精鈔本

廉村薛嶠仲止

嶠字仲止一字賓日永嘉人寶祐四年進士官長溪簿前有淳
祐己酉五月東閣趙汝回序云永嘉自四靈爲唐詩一時水心

首見賞與四人之體畧同而道暉紫芝其山林閨閣之氣各不能掄雲泉薛君以詩名於時本用唐體而物與理稱更成一家云此卷鈔極精雅

雲泉詩一卷

舊鈔本

振綺堂藏書

廉村薛嵎仲止

詩已刊入陳氏江湖集中此從單行本錄出前有淳祐己酉五月日東閣趙汝回序東閣繼衡兩木篆尙存有汪魚亭藏閣書一印

柳塘外集二卷

醉經樓鈔本

宋江西饒江薦福寺沙門釋道璨無文著

前有江都張師孔序曰寶慶間師住薦福又住開先五年還薦福所著有銘贊記序雜文若干篇皆鈔本予丁亥遊廬山偶獲繙閱不及錄錄其詩凡百二首以歸按江西詩自黃魯直陳師

道潛大臨以下凡二十六人謂之江西宗派柳塘詩譚議超卓
不襲故常或亦派中同岑異苔者歟予懼其浸久失傳因校刊
備宋人之一齋柳塘屬豫章漢昌邑地多陶姓五柳先生後也
今猶聚族居焉師亦其裔故以柳塘自名集云按四庫著錄
四卷乃釋大雷訪得舊本釋元宏所校刊者此則惟詩二卷也
柳塘外集二卷

舊鈔本

振綺堂藏書

宋江西饒州薦福寺沙門釋道燦無文著

前有江都張師孔序有汪魚亭藏閱書一印紙墨俱古二百年
前物也

碧梧玩芳集二十四卷

舊鈔本

宋馬廷鸞撰

廷鸞字翔仲樂平人淳祐七年進士官至右丞相兼樞密使集
編於其次子端臨以家有碧梧精舍又自號玩芳病叟故以爲

名宋史不載卷數已不可攷今四庫館編爲二十四卷續文選通攷載廷鸞仿大事記作讀史句編以十年爲一句起帝堯元載甲辰迄周顯德七年庚申爲三十八帙今全書雖佚而緒論尙散見於永樂大典中併哀爲一卷附後此本無之

深宵居士集八卷附錄一卷

舊鈔本

汪魚亭藏書

宋王應麟撰應麟字伯厚慶元人淳祐元年進士以太常博士擢祕書郎繼授直學士院轉尙書兼給事中所著有深甯集一百卷玉堂類稿二十三卷掖垣類稿二十二卷今皆不傳傳者惟鄭真所輯四明文獻五卷四庫所收是也此本乃嘉慶補輯底本凡八卷卷一爲記卷二爲序卷三爲敕文爲詔卷四爲制卷五爲誥卷六爲表卷七爲露布爲檄爲青詞爲樂章爲箴爲銘爲贊爲頌卷八爲跋爲墓志銘爲詩而終以宋史本傳別有王尙書遺稿僅詩五首中有鼇山唐開成年墓誌石二詩爲

八卷本所無因附以存焉有汪魚亭藏閱書趙輯甯印古歡書
屋三印

彝齋文編四卷 知不足齋鈔本 陳仲遵藏書

海鹽趙孟堅子固撰

孟堅一字彝齋太祖十一世孫寶慶三年進士官提轄左帑好
學工書喜藏名蹟藝林比之米南宮晚善梅竹得其畫幃寶同
球壁詩自大典中輯出此歛鮑廷博以文鈔本後有印曰知不
足齋鈔傳祕冊更輯補遺一卷有潁川書畫記仲遵西泠藏書
平江陳塏印西泠草堂諸印

彝齋文編四卷 舊鈔本

海鹽趙孟堅子固撰

宋史藝文志不著錄明文淵閣書目載此集四冊當不止四卷
此舊鈔大典輯本也藍格細字頗堪珍玩

藏書志卷三十二

七

秋曉先生覆瓿集四卷

影寫明刊本

汪魚亭藏書

宋趙必瑑撰必瑑字玉淵號秋晚系出濮邱居於東莞咸淳元年與父崇誦同登進士初尉高要攝令四會再丞南康文信國開府惠州辟攝惠州軍事判官宋亡隱居終身發爲詩歌多憤懣激烈黍離麥秀之致至元甲午卒皇慶元年里生陳紀爲行狀永嘉林永年資中郭應本序其詩文其後版羅回祿明宣德壬子四世孫吉祥重鈐之廬陵胡觀爲序萬厯九年其子姓又爲修版同邑鍾卿又序並列同邑陳璉所撰墓表此影寫萬厯本也有汪魚亭藏閱書印

閒風集十二卷

舊鈔本

宋舒岳祥撰

岳祥字舜侯甯海人寶祐四年進士官奉化尉終承直郎宋亡不仕教授鄉里以終焦泌經籍志載閒風集二十卷失傳已久

永樂大典尙錄其詩文館臣輯爲詩九卷文三卷皆稱心而出未嘗鏤飾亦宋李之錚錚者矣

秋堂集三卷

精鈔本

宋柴望撰

望字仲山江山人嘉熙間爲太學上舍生淳祐六年丙午元旦日蝕詔求直言乃上丙丁龜鑑忤時相意詔下獄臨安尹疏解之得歸里和淵明歸去來詞以自遣聞元兵日熾國事日蹙輒流涕聞死事者必爲文以酹端宗登極孔大諫薦授迪功郎史館國史編校宋亡後杜門謝客至元十七年卒所著有道州台衣集涼州鼓吹詞皆自識語今雖重編仍列於前至正間其從子季武輯本楊載爲序此本無序不知傳錄之所自

陵陽先生集二十四卷

精鈔本

鳴野山房藏書

牟獻獻之男應復編

燾井研人世居陵山之陽父子才字存叟官資政殿學士悅吳興山水寓居安吉州燾登進士第官至大理少卿富於學問天才俊偉入元杜門不出者三十六年嘗以陶淵明自况燾之子應龍咸淳進士對策忤貴似道調定城尉宋亡後父子自爲師友討論六經皆有成說集爲元至順辛未男應復所編跋稱先父提刑性簡易嗜學問年八十五卒公文最富而應復宦游四方下獲鈔錄深懼我軼近宦吳會悉心哀輯十未及一敢錄諸梓前有翰林國史院編修官程端學序此爲鳴野山房鈔本鈐有印記

湖山類稿五卷附一卷

小山堂鈔本 吳尺鳬藏書

水雲汪元量大有行吟須溪劉辰翁會孟批點

元量錢塘人大有其字水雲其號也度宗時以善琴供奉內廷宋亡隨三宮入燕久之爲黃冠南歸游匡廬彭蠡老壽以終黃

氏千頃堂書目載湖山類稿十三卷水雲詞三卷水雲詞三卷
久佚不傳此從元本錄出爲劉須溪所選詩詞祇五卷首失四
葉間存評語後附亡宋舊宮人送水雲南歸詩詞一卷烏絲闌
外有小山堂鈔本五字并有康熙戊戌繡谷亭主前後跋語

水雲集一卷

繡谷亭鈔本

錢塘江元量大有

元量自號水雲子以善琴事謝太后王昭儀從三宮北去留滯
燕京興文丞相獄中倡和元世祖聞而召入侍鼓琴一再行駁
駁有漸離之志而無便可乘遂哀懇乞爲道士危太史素謂其
長身玉立修髯廣額而音若洪鐘江石人以爲神仙多畫像祀
之詩多記國亡北徙之事劉辰翁會孟馬廷鸞翔仲周方方叔
趙文儀可並爲之序跋南游諸篇爲類稿所無故吳焯跋稱二
本缺一不可也附採宋遺民錄一卷有繡谷薰習吳焯尺牋蟬

華諸印并雍正癸卯吳焯題記

晞髮集五卷附錄一卷

明嘉靖刊本

宋謝翱著明欽後學程煦校

翱字皋羽一字皋父福之長溪人徙建之浦城父鑄民居喪哀毀以孝稱咸淳初翱試進士不第慨然求古以文章名家文丞相逾海至閩檄州郡大舉勤王之師翱傾家貲率鄉兵赴難遂參其軍迨天祥被執翱隻影行浙水東登子陵臺哭酹丞相悲思不已以竹如意擊石作楚歌以招魂歌閱竹石俱碎聞者傷之尋汗漫游山水間至元甲午家武林明年以肺疾死年四十七瀕死屬其妻劉氏曰吾交游惟方韶卿吳子善最親慎收吾文及吾骨授之後東陽方鳳為行狀永康吳謙為壙志鄞任士林金華胡翰宋濂為傳遺稿凡詩文傳贊圖譜歌曲記傳共二十八卷久已殘佚四庫著錄者晞髮集十卷遺集二卷補一

卷天地間集一卷西臺慟哭記注一卷冬青引注一卷乃平湖陸大業以意釐定此爲嘉靖乙卯新安程煦校跋云謝公所著殆百卷此五卷特存其關於志義大節者耳玉泉吳子勳推睦時首剏公之祠墓因梓其晦髮集則此殆勳所刪削耳勳亦有序附錄傳志碑文一卷天祿琳琅所收卽是刻也

潛齋先生文集十一卷

明成化刊本

曹德圃藏書

明橋李岳元聲校正

宋何夢桂撰夢桂字巖叟幼名應祈字申甫嚴州淳安人咸淳乙丑以一甲三名授台州軍事判官歷仕至大理寺卿知時事不可爲遂引疾去元至元初累徵不起築室故居旁之小西源以書自娛不復與世接其成書有易衍中庸大學說致用書及文集十一卷元時版煨傳世者稀此成化時湖廣憲副裔孫瀆訪得之於汪廷廣家重爲壽梓金谿徐瓊爲序前列何先公小

傳有曹洛鉏蔡翁明善堂書畫印記宛陵李之郇藏書諸印

鐵牛翁遺稿一卷

舊鈔本

宋何景福撰景福字介夫睦之涪安人宋大理寺卿夢桂族孫嘗以任重致遠自期故自號曰鐵牛予以所遇非時累辟不起晚年避地武林兵定後始歸里詩酒自娛以終其身詩卷多散失歿後十餘年從孫如晦始集其遺稿藏之於家如龍吟五夜霜飛岳壘吼三更月滿城青山自此詩名重采石如今酒價低荒祠晝掩無人到苦竹叢中春鳥嘯風景不殊豪傑盡新亭誰復淚沾衣洵錚錚佼佼者詩僅四十餘篇錫策樓賦一篇四庫附其藁於潛溪文集後稱詩頗奇偉氣格在夢桂之上此爲其族裔何鍾錫從吳石倉借鈔綴一小記有畫橋碧陰一印

梅巖胡先生文集十卷

舊鈔本

宋胡次焱撰次焱字濟鼎號餘學又號梅巖先世本唐宗室五

代時育於胡氏因冒姓胡婺源人少孤家貧母策勵以學登咸
淳四年進士授貴池縣尉德祐乙亥元兵將至池州都統制張
林納降次焱奉母亡歸教授鄉里或勸之仕因賦媒媿問答詩
以見志元大德十年終於家其詩文本未編集明嘉靖間先生
同派孫陞率其族叔瑞鳳族弟璘東海族孫堂書捐梓乞遼東
巡撫潘珍爲序同邑潘滋又爲序九十兩卷皆附錄同時往來
贈答之作

梅巖胡先生文集十卷 舊鈔本

族孫胡璉蒐輯後學潘滋校正

此本前有正德戊辰惠州府教授前崇陽知縣族孫胡濬序云
先生登宋咸淳四年進士授湖口縣簿以母老祿養非便改貴
池尉德祐元年奉母亡歸教授鄉里所注四書周易梓行於世
纂修譜牒序論跋贊尙藏於家其他文墨鮮有存者濬嘗鈔於

藏書志卷三十二

士

嵩陽潘先生質齋程先生男璉又鈔篋墩程先生神峰戴先生
欽友王宗植各本分類成書并得所注唐詩雲峰通書西銘二
通明經書院試錄石邱先生詩集尙圖勉於增輯無負文獻之
徵其後嘉靖十八年璉又識云先生於經於四書皆有注國朝
采入大全書媒接問答則篋墩學士采入新安文獻志朱子
感興詩則少尹括蒼葉君嘗刻之縣齋注書詩則僉憲石麟潘
君刻之關中惜無以彙全書璉蒐勒此編屬甥潘滋校正與同
志者共之并撰梅巖墓圖記於前雖仍以潘滋冠諸端當時似
別一刊本也

有宋福建莆陽黃仲元四如先生文稿五卷

舊鈔本

黃仲元撰仲元字善甫號四如莆田人唐御史滔之後父績從
黃勉齋得朱子之學仲元得家學淵源登咸淳辛未進士第後
除國子監簿皆不赴江公萬里陸公秀夫尤器重之宋亡後更

名曰淵字天叟而以韻鄉贅翁爲稱怡然窮居深入理奧晚年
自序一生行誼爲壽藏誌文法高古爲時傳誦咸淳甲戌余謙
爲跋其後其子元汀州路總管府知事梓分記序墓銘字訓之
屬爲五卷而刊之元至治三祺前進士清源傅定保明洪武八
年金華宋濂先後爲序

霽山先生白石樵唱六卷文集四卷

明嘉靖刊本

王蓮涇藏書

知平陽縣事海康桐岡馮彬用先校正重刊

宋林景熙撰一作景曦字德暘溫州平陽人咸淳辛未太學釋
褐授泉州教授宋亡不仕終于武林卒年六十有九舊序稱文
十卷曰白石稿詩六卷曰白石樵唱今核之文祇四卷元季序
者爲方逢辰章祖程僖明代序者天順間爲呂洪嘉靖間爲張
宸陳璋及馮彬尙有丁璣一跋此本已佚有遲涇太原叔子藏
書記兩印

熊勿軒先生文集八卷

影寫成化本

李伯雨藏書

鼇峰後人編梓

宋熊禾撰禾初名鉢字去非號勿軒又號退齋建陽人咸淳十年進士授甯武州司戶參軍宋亡不仕教授鄉里以終四庫著錄八卷凡易學圖傳二卷春秋通義一卷四書標題一卷詩文三卷補遺一卷乃天順中舊刻前有元許衡序提要攷許序爲依託刪去之此本亦八卷一爲序跋銘約二三爲記爲族譜四爲文疏上梁文五爲啟劄六爲經籍說祭文弔慰七爲五言詩八爲七言詩及長短句蓋別一本也前有吳高尚志序目錄後有成化二年六世孫博羅主簿熊斌識云先祖勿軒先生遺稿先君收輯類次惜齋志而沒今幸族人孟東掇拾先祖序紀詩賦并先君所藏編而未就者釐爲八卷天順間斌因進秩歸埭松梓遂同兄榘弟植命工繡梓次列先生小傳并贊成化三

年福建漳州府知府羅浮潘本思後序有曹氏巢南是亦樓藏
書印宣城李氏瞿硎石室圖書印記宛陵李之邵藏書諸印
熊勿軒先生文集八卷

舊鈔本

裘杼樓藏書

六世孫將仕郎博羅縣主簿熊斌捐俸繡梓

前有成化三年福建布政司右參政惠陽吳高尙志序云宋社
既屋先生隱於雲谷創鼇峰書院四書六經皆有訓釋著農禮
兵刑稿晚年修三禮通解將脫稿竟以疾卒平生著述厄於兵
火鼇峯裔孫熊澍家藏遺稿存十一於千百族孫孟秉類次成
帙釐爲八卷六世孫斌判惠之博羅攷訂繡梓前爲勿軒先生
像武夷邱錫天台李讓爲贊僕處約爲傳李讓又爲行述末附
史藥房陳蒙正胡濟齋沈秋圃趙由燧林荅存宋劉翁鄭深勁
邱鈞磯林純子林天麟王槐建李養吾陳大觀吳語溪曹休齋
李德成題贈詩文此舊鈔本版心有裘杼樓三字並休陽汪氏

裴杼樓藏書印碧巢祕笈定本晉賢諸印

古梅吟稿六卷

舊鈔本

宋新安古梅吳龍翰武賢著明族裔吳惟時中立校

龍翰歛縣人咸淳鄉貢以薦授編校國史院實錄文字至元丙子鄉校請充教授尋棄去家有古梅枝幹連理因以爲號且爲之賦嘗與鮑雲龍宋復一游黃山師事方秋崖故詩學具有淵源前有訥齋程元龍序稱其詩句老而意新咀之稿永殊非苟作

佩韋齋文集二十卷

舊鈔本

清華園藏書

太王山人俞德鄰宗大甫

德鄰永嘉人徙居京口是集有皇慶元年四月建安熊禾序稱公舉咸淳癸酉進士獨在下位特以文學負世重望爲當路羅致方其劫質軍中曾祿在前刀鑊在後公獨不撓不懾從容以

全其身終遂其志詩則間雅冲淡中發揚蹈厲之意存焉文則
論辨閎深敘述詳核忠厚懇惻之情藹如也余亦癸酉進士蓋
親歷而知之公之學以六經語孟爲本雖史傳百家之書靡不
該洽而必以此道爲之指歸論古今事得失人物臧否皆有折
衷輒間四卷是也紫陽方侯嘗序公集載其遺事今館本以詩
文十六卷入別集輯間四卷入子部雜家此猶舊時原帙也方
回序已失豈以人而廢其言歟後有黃蕤圃手跋

佩韋齋文集二十卷

舊鈔本

十萬卷樓藏書

太玉山人俞德鄰宗大父

詩文十六卷皇慶元年四月旣望建安熊禾序輯間四卷自爲
序德鄰宋亡隱居不仕如嚴寒之松柏黃寓杭之清河里爲鮮
于伯幾謚困學齋記葛元白詩序龍興祥符戒壇院分韻詩序
又癸未游杭懷舊之作有云杖屨乘興不辭遙行看蘇堤過斷

藏書志卷三十二

十四

橋白髮老翁依古柳相逢揮淚話前朝
慈雲嶺下拜郊臺表裏
河山繡畫開十載西風動禾黍行人休憶翠華來
淒其感慨足
增武林舊事有十萬卷樓宗炎圖書兩印

古逸民先生集三卷

精鈔本 陳仲魚藏書

婺源汪炎昶懋遠

阮元 四庫未收書提要曰炎昶幼有奇志於書無所不讀其
學原本六經得程朱性理之要宋末嘗從太學生孫嵩元游遂
不仕自號古逸民學者稱古逸先生得年七十有八其門人東
山趙訪爲之狀而金華宋濂爲之銘皆極力推重此本詩一卷
文一卷附錄一卷黃虞稷千頃堂書目作五卷蓋與趙訪所作
行狀相合此非常時原本然詩文簡淨具有法度非明人叫囂
者所及卷前有鮑以文跋云古逸詩文僅見於新安文獻志寥
寥數篇而已吾友錢塘姚君古香瑚得之親串亂帙中予讀

鈔好事者因爭傳錄杭城遂有數本未幾古香暴卒年止三十餘使先一年此書無從蹤迹矣則雖謂古香不死可也有祕冊小印仲魚圖象得此書費辛苦後之人其鑒我海甯陳鯨觀諸印

廬山集五卷英溪集一卷

舊鈔本

法時槐劉燕庭藏書

宋董嗣杲撰

嗣杲履未詳廬山集嗣杲景定初權茶九江富池時作英溪集咸淳十年宰武康時作集中有辛酉富池元宵寫懷云風柔卻憶沙河塘謝村云臨平山色入船青清明懷孤山云獨客此時思上塚孤山今日定開門懷潘宰留方家峪別業云想戀西湖賞物華元宵懷鄉詩清河坊裏燈宵月負卻東風已兩年抵北新橋云羈懷冰釋返吾真歸逢鄉井心纔穩皆惓惓於杭州故鄉也宋亡寄跡黃冠張炎有自東越還西湖飲靜傳董高士

書樓詞仇遠有董靜傳掛冠孤山四聖觀詩靜傳嗣杲字也此
本有詩龕書畫印詩龕藏書印劉喜海燕庭藏書蓋先藏法時
帆祭酒後歸劉燕庭方伯也時帆名式善本名運昌奉旨改
今名蒙烏吉氏字開文號梧門蒙古正黃旗人乾隆四十五年
進士官至國子監祭酒

和西湖百詠詩二卷

舊鈔本

符聖幾曹荔帷藏書

靜傳居士董嗣杲明德作餘姚後學陳贊惟成和韻

嗣杲入道孤山四聖觀改名思學字無益詩當作於此時贊自
餘姚徙錢塘洪武間授杭州學訓導後官至太常寺卿百詠皆
七言律詩每題下各注其始末頗具宋末軼聞天順癸未始以
兩家合刻南康知府陳敏政爲序有秋聲館沈句亭二印秋聲
館者符聖幾齋名沈句亭曹荔帷集名始經兩家收藏顯聖幾
名之恆仁和人虞膳生工詩荔帷名芝字莖九錢塘人貢生

眞山民詩集一卷 精鈔本

浙江採集遺書總錄引厲鶚跋曰山民或云名桂芳括蒼人宋末進士李生喬歎以不媿乃祖文忠西山以是知其姓眞痛值亂亡深自湮沒世無得而稱焉惟所至好題詠流傳人間張伯子謂宋末一陶元亮云此本前有潘訥庵是仁小引云幽尋雅賞之外絕不作江湖酬應語故所著不廣然千羊之皮不如一狐之腋其才情當在林君復之上識者鑒之末從元詩體要中補陳雲岫愛騎驢詩一篇

三山鄭菊山先生清雋集一卷附所南一百二十圖詩一卷文一卷 舊鈔本 怡府藏書

鄭菊山初名震後名起閩之連江人清祐丁未前丞相鄭清之再相聞除命下痛哭流涕登其門厲聲曰端平敗相何堪再壞天下被執子女俱下獄京尹趙與憲俱縱之鄭相罷乃免每與

賈似道論得失累件其意甲辰伏闕言奸相史嵩之奉旨免解
歷主於潛蕭山學晚爲安定和靖書院堂長有詩曰倦游稿仇
山村據其詩四十首題曰清雋集大德五年鄱陽柴志道序之
子思肖字憶翁號所南著一百二十圖詩附錦錢餘笑二十四
首自爲序後人更輯文爲一卷嘗以太學應博學宏詞侍父寓
吳之條坊巷元兵南下叩閭上太皇太后幼主疏辭切直忤當
路不報初諱某宋亡改今名思肖者思趙也憶翁所南皆寓意
也精墨蘭自更祚後蘭不畫士以根無憑藉耳未附王逢題畫
蘭詩有安樂堂藏書記明善堂覽書畫印記

方時佐先生富山嬾稿十九卷

舊鈔本

從曾孫方宗大編集梅間人何應元校正

宋方夔撰夔又名一夔字時佐涪安人屢舉不第被薦領教郡
庠繼拜奏事官未幾築室富山榜曰綠猗自號知非子嘗從何

潛齋諸老游著漢論十卷宋亡隱遯以終有富山嬾稿三十卷
歲久湮逸其曾孫宗大既重編次五世孫又傑復爲校刊乞同
邑周宏璧瑄爲序時在正統九年文傑之子中適領鄉薦至京
又求題於同邑商輅此初刻本雖較四庫多九卷而詩之篇
數則同蓋四庫本分類此則不分類爲少異耳

紫巖詩選三卷

天福山房鈔本

宋蘭谿于石介翁者

石蘭谿人宋亡不仕因所居自號紫巖浙江通志載之文苑隱
逸二傳所著詩七卷今存卷一五古五十三首七古十一首卷
二七古十七首五律二十三首七律二十三首卷三七律四十
首七絕三十七首綜古今體詩二百四首每卷後題元門人吳
師道原編明四世孫伯善謹錄前有自引仁山金履祥爲序吳
師道爲跋明洪武中師道之子東閣大學士吳沈又序餘爲吳

履爲朱惟嘉爲徐原爲程南賓爲柳果爲蘇伯衡爲蕭民諸序
又輓詩四首補遺詩八章

紫巖于先生詩選三卷

舊鈔本

沈叔園藏書

蘭谿于石著門人吳師道選

詩三卷篇第與前不同殆別一鈔本也前僅列金仁山一序後
有之江沈廷芳題云于石字介翁婺之蘭谿人也貌古氣剛而
善詠諧幼慕杜五高之爲人後從王宗菴業詞賦年三十而宋
亡遂高隱不出以詩自豪蓋宋逸民也所居鄉名紫巖因以爲
號晚徙城中更號兩谿集久不傳傳者僅此冊耳同里門人吳
師道字正傳元至正時進士爲之選次金履祥爲之序詩凡三
卷內缺二頁其來已久不能復補矣乾隆丁亥二月汪生中容
甫持贈藏之隱拙齋有遺稿天留一印

趙寶峯先生文集二卷

明嘉靖刊本

振綺堂藏書

宋趙偕撰偕字子永慈谿人自以宋之宗室入元不仕隱居大寶山東麓是集前有門人烏斯道序稱先生早歲欲攻舉子業以不窺乎聖涯卽棄去與二三友讀楊文元公書有覺而從容山水問益致其力見益明而守益固一時之有志者皆就而講學焉先生謝世已久其外孫顧恭編其散逸屬書其實明嘉靖十一年嗣孫廣東僉事趙繼宗重梓乃拾於兵燹之餘也上卷治縣權宜爲邑宰陳文昭設果能依而行之宰天下不難矣下卷詩文四庫僅得傳鈔本入錄此乃嘉靖時刻帙版心上刊有寶雲堂文藝五字有汪魚亭藏閱書印

九華詩集一卷

舊鈔本

宋陳巖撰

巖字清隱青陽人宋末屢舉進士不第入元隱居高陽河徧探九峯之勝遇勝留題積至二百餘篇舊有方時發山圖楊少愚

詩序今圖序皆佚惟存此與山靈終古耳

甯極齋稿一卷附慎獨叟遺稿一卷

明鈔本

曹倦圃藏書

吳郡陳深子微父

深字子微世爲吳人生於宋代習舉子業宋亡棄去篤志古學杜門著書有讀易讀詩春秋三編弟子從游甚眾江浙參政王都中其一也天厯間奎章閣臣以能書薦潛匿不應別號甯極學者稱甯極先生子植字叔方少負才氣喜與侔儻之士游旣而折節讀書克繼父業有孝行更世變以琴書自娛凡辟召皆不起以慎獨名其齋此本有鄭元祐撰元故慎獨處士陳君墓志卷首鈐曹溶之印潔躬二印

史詠詩集二卷

何夢華鈔本

蘭谿見心徐鈞秉國著

阮元 四庫未收書提要云鈞與金履祥友善履祥嘗延致以

教授諸子是編卷首載許謙序後有張樞黃潛及其子津序謙潛並稱鈞取通鑑所載君相事實人爲一詩總一千五百三十首而明正德時章楓山已云殘闕此本所存僅三之一止於唐而不及五季卽唐以前諸詠仍有逸失然意存勸戒隱發姦諛之旨溢於言表雖殘闕之餘猶爲藝林所重有錢塘何元錫字敬祖號夢粦又號蝶隱錢江何氏夢粦館藏諸印蓋夢粦爲阮文達公幕客文達經進時從而傳寫之帙也

伯牙琴一卷

舊鈔本

錢塘鄧牧牧心著

牧自序云子集詩文若干名伯牙琴伯牙雖善琴者鍾子期死終身不復鼓琴知琴難也今世無知音余獨鼓而不已亦愚哉然伯牙破琴絕絃以子期死耳余未嘗遇子期惡知其死不死也故復存此牧與謝翱周密友善因爲翱作傳爲密作蠟展集

序至元丙申至山陰王修竹延致陶山書院己亥入洞霄宮止
於超然館住山沈介石爲營白鹿山房居之無病而化集後又
有自序詩已佚也此爲館中底本有翰林院印

吾汶橋十卷

舊鈔本

宋王炎午撰一名應梅字鼎翁別號梅邊廬陵人咸淳甲戌補
太學生丁父憂家居又明年臨安陷文天祥募兵勤王炎午應
召建策留置幕府已而以母病歸未幾天祥被執炎午作生祭
文以述其死累于五百言其終身不仕奉母至孝三十年不
懈集有元統二年揭傒斯序稱其德之粹學之正身之雄詩文
之奇古歐陽元序其爲人爲官爲士其文爲宇宙之元氣
二公之推重如此明正統丙寅李昉勉作忠孝義傳稱其優美
文凡九卷附錄一卷宏治辛亥八世孫華緒刊自爲一跋華之
族弟懋復加參攷亦有跋語此本無跋語殆偶脫耳

王梅邊集一卷

戴光曾手鈔倦圃本

潘玉荷藏書

此本舊爲曹倦圃所藏舊鈔本而戴光曾所手錄者仍列元統二年揭傒斯與歐陽元吾汶稿兩序及正統內寅李時勉撰傳末有光曾手記有嘉興戴光曾鑒藏經籍書畫印及潘氏淵古樓藏書記潘介祉印玉荷諸印

自堂存稿四卷

舊鈔本

朱修伯藏書

宋陳杰撰

杰字壽夫分甯人淳祐十年進士嘗爲淮楚制置司屬官後守壽昌與謝疊山友善讀邸報諸作語皆忠憤可以見歲寒後凋之節詩則源出江西丰姿峭拔出入於石湖劍南之間末附間艤記紀延祐間事疑大典誤收入也此爲四庫館底本前鈐翰林院印中有冬至攝獻於郊五律詩上有簽云按陳杰官止郡守不應有冬郊攝獻之事詳詩意蓋按贈攝亞獻者原本詩

題當有脫誤觀此可以見館臣校勘之精審也

宋貞士羅滄洲先生集五卷

舊鈔本

十萬卷樓藏書

宋羅公升撰公升字時翁永豐人大父開禮咸淳間由胄監登第授袁州教授改武岡德祐丙子文丞相開督府於閩廣號召天下勤王兵辟開禮知縣事授安撫使兵敗被執不食死公升有才畧以軍功授本邑尉傷大父死節傾資遊燕趙與宋宗室趙孟榮諸公圖恢復知勢不可爲回錢塘江作弔胥濤賦以自寓集前有廬陵遜民劉辰翁序末有宋禮部侍郎廬陵鄧中齋中甫批點明翰林國史修撰七世宗孫倫校正明廣東廉州知府廣昌鏡秉鑑刊行字弔胥濤賦以下各體分編而每體之中分無名集還山稿抗塵集癡業集北行卷其先當各自爲卷後人台編敘次轉雜惟集中春帖子詞似非終於縣尉者四庫以其眞應雜錄列入存目有以哉有王宗炎所見書印蓋十萬

卷樓故籍也

心泉學詩稿六卷

舊鈔本

朱修伯藏書

宋蒲壽晟撰

此書 四庫館採錄於永樂大典釐爲六卷附錄於南宋之末
名則或書壽晟或作壽宸官則萬姓統譜稱知蒲州集中則題
梅陽梅陽卽梅州其在官則儉約無一毫取於民是不媿爲循
吏而八閩通志則謂廣益二王航海至泉州守臣蒲壽庚拒城
不納皆出其兄壽宸陰謀又是狡叛之徒孰是孰非無可究詰
專存其詩可已此亦當日館中底本前有翰林院印朱修伯學
勤所藏有其圖記二

石別集類十